

- (2) Za prekršaj iz stava (1) ovog člana kaznit će se i odgovorno lice u pravnom licu novčanom kaznom u iznosu od 1.000,00 do 1.500,00 KM.
- (3) Za prekršaje iz stava (1) ovog člana kaznit će se i fizičko lice novčanom kaznom u iznosu od 500,00 do 1.000,00 KM.

Član 27.

- (1) Novčanom kaznom u iznosu od 1.000,00 do 2.000,00 KM kaznit će se za prekršaj pravno lice, koje postupi suprotno odredbi člana 10. od tačke n) do tačke s) i odredbi člana 11. tač. c) i h) ovog Zakona.
- (2) Za prekršaj iz stava (1) ovog člana kaznit će se i odgovorno lice u pravnom licu novčanom kaznom u iznosu od 500,00 do 800,00 KM.
- (3) Za prekršaje iz stava (1) ovog člana kaznit će se i fizičko lice novčanom kaznom u iznosu od 200,00 do 500,00 KM.

POGLAVLJE XII - KARTE SPOMENIKA PRIRODE

Član 28.

(Karte sa ucrtanim granicama zaštićenih područja)

Karte Spomenika prirode "Vrelo Bosne" sa ucrtanim granicama zaštićenih zona, prikazane su na topografskoj karti u razmjeri 1:5000, koja je sastavni dio ovog Zakona i čuva se u Ministarstvu - Upravi za geodetske i imovinsko-pravne poslove i Zavodu za planiranje razvoja Kantona Sarajevo.

Na osnovu člana 24. Zakona o izmjenama i dopunama Zakona o proglašenju Zaštićenog pejzaža "Bijambare" ("Službene novine Kantona Sarajevo", broj 36/09) i člana 172. stav 1. Poslovnika Skupštine Kantona Sarajevo ("Službene novine Kantona Sarajevo", broj 12/05 -Prečišćeni tekst i broj 7/08), Zakonodavno-pravna komisija Skupštine Kantona Sarajevo, na sjednici održanoj 24. marta 2010. godine, utvrdila je Prečišćeni tekst Zakona o proglašenju Zaštićenog pejzaža "Bijambare".

Prečišćeni tekst Zakona o proglašenju Zaštićenog pejzaža "Bijambare" obuhvata: Zakon o proglašenju Zaštićenog pejzaža "Bijambare" ("Službene novine Kantona Sarajevo", broj 21/03) i Zakon o izmjenama i dopunama Zakona o proglašenju Zaštićenog pejzaža "Bijambare" ("Službene novine Kantona Sarajevo", broj 36/09), u kojim je naznačen dan stupanja na snagu tih zakona.

Broj 01-4411-4/10 Predsjedavajući
24. marta 2010. godine Zakonodavno-pravne komisije
Sarajevo Esad Hrvaić, s. r.

ZAKON

O PROGLAŠENJU ZAŠTIĆENOG PEJZAŽA

"BIJAMBARE"

(PREČIŠĆENI TEKST)

Član 1.

Ovim Zakonom proglašava se Zaštićeni pejzaž "Bijambare" i utvrđuju granice obuhvata, kategorija zaštićenog područja, zoniranje prostora, mjere zaštite, intervencije u zaštićenom području, kao i korištenje prirodnih vrijednosti i upravljanje Zaštićenim pejzažom.

Zaštićeno područje

Član 2.

Područje Bijambara smješteno na Nišičkoj visoravni, obuhvata prostor između Bijambarske pećine na sjeveru, Motika na istoku i Dugih strana, odnosno Borka na jugu, u površini od 497,00 ha, proglašava se Zaštićenim pejzažom.

Prirodne vrijednosti u Zaštićenom pejzažu "Bijambare" su prirodne vrijednosti od kantonalnog značaja.

Granice obuhvata

Član 3.

Granica ukupnog obuhvata polazi od tačke br. 1 koja se nalazi na medi između parcela k.č. 1640 i 1613(put) a ima koordinate y = 6 540 756 i x = 4 881 084, zatim nastavlja dalje na jugozapad sijekuci parcele k.č. 1613 (put Sarajevo-Tuzla) i 1038/1 te dolazi na granicu između parcela k.č. 1038/1 (K.O. Bijambare) i 917 (K.O. Nišići) u tačku br. 2 sa koordinatama y = 6 540 573, x = 4 881 048. Granica nastavlja međama parcela k.č. 917, 910, 909 ne obuhvata ih i dolazi na tromedu parcela 908/1, 909 i 905/2 (put), presjeca spomenuti put i dolazi do tromede parcela k.č. 905/2 (put), 870 i 867, produžava na sjeverozapad međama parcela k.č. 870, 871, 875, 876, 851, 850 i 849, obuhvata ih i dolazi na granicu katastarskih općina K.O. Nišići i K.O. Kamenica u tačku, br. 3 sa koordinatama y = 6 540 040 i x = 4 881 635, koja se nalazi na potoku Bjelila. Granica obuhvata produžava u pravcu zapada idući granicom između katastarskih općina K.O. Nišići i K.O. Kamenica (potok Bjelila), zatim se lomi na sjever idući međama parcela k.č. 2194, 2192 (obuhvata ih) i dolazi u tačku br. 4 koja se nalazi na medi između parcela k.č. 2180 (put) i 2192, a ima koordinate y = 6 539 285 i x = 4 883 215, granica zatim skreće u pravcu sjeveroistoka idući preko parcele k.č. 2192 (šumska staza) i dolazi u tačku br. 5 koja se nalazi na parceli k.č. 2192 (naskršće šumskih staza), a ima koordinate y = 6 539 965 i x = 4 883 561, zatim se lomi na sjever preko parcele k.č. 2192 u dužini od 150m i dolazi do granice između katastarskih općina K.O. Kamenica i K.O. Bijambare. Granica obuhvata nastavlja u istom pravcu idući pomenutom granicom katastarskih općina i dolazi u trigonometar br. 459, zatim se lomi u pravcu istoka idući granicom općine Ilijaš i dolazi u tačku br. 6 koja se nalazi na parceli k.č. 1276/1, a ima koordinate y = 6 541 150 i x = 4 884 005, potom se lomi u pravcu juga sijekuci u pravoj liniji parcelu k.č. 1622 u dužini od 422m i dolazi u tačku br. 7 koja se nalazi na parceli k.č. 1622, a ima koordinate y = 6 541 181 i x = 4 883 580, granica se zatim lomi na jugoistok sijekuci parcele k.č. 1622, 220, 221 i 222 (put) K.O. Bijambare i dolazi na tromedu parcela k.č. 218 (put), 223 i 222 (put), nastavlja dalje na jug međama parcela k.č. 218 (put), 197, 198 (obuhvata ih) dolazi do tačke na medi parcela k.č. 198 i 222 u tačku sa koordinatama y = 6 541 466, x = 4 882 959 tu se granica lomi i ide na jugoistok presjeca put k.č. 1602 K.O. Bijambare, ide međama parcela k.č. 154, 155, 154, 152, 577 (obuhvata ih) i dolazi do tromede parcela k.č. 579, 577 i 578, tu se granica lomi i ide na sjeveroistok među m parcele 579 (obuhvatajući je) do tačke sa koordinatama y = 6 541 727, x = 4 882 144, tu se lomi ide na jugoistok sijekuci parcelu 579 i 582 dolazi na mednu tačku između parcela k.č. 582 i 583, presjeca parcelu k.č. 583, nastavlja međama parcele 586 obuhvata je i dolazi do tromede parcela 586, 1604 (put) i 585 odatle nastavlja na jugoistok presjecajući, u pravoj liniji k.č. 1604 (put), 523, 522, 519 (put) i 518 te dolazi u tačku sa koordinatama y = 6 541 849, x = 4 881 822, zatim nastavlja u pravcu jugozapada idući magistralnim putem M18 Sarajevo - Tuzla (obuhvata ga) i dolazi do mjesta odakle je opis obuhvata i počeo.

Kategorija zaštićenog područja

Član 4.

Područje u granicama opisanim u članu 3. ovog Zakona, proglašava se Zaštićenim pejzažom, namijenjenim za očuvanje pejzaža, naučno istraživanje, ekološku edukaciju i vaspitanje, te rekreaciju i turizam u svim sezonama u toku godine.

Zoniranje prostora

Član 5.

Zavisno od stepena zaštite, u okviru granica Zaštićenog pejzaža, utvrđuju se tri zaštićene zone.

Prva zaštićena zona - nukleus

Član 6.

Prva zaštićena zona (A zona-nukleus) obuhvata "Bijambarske pećine" i njihovu okolinu površine 137,00 ha, a predstavlja prostor najviših vrijednosti, koje moraju ostati u potpunosti očuvane.

Granica obuhvata Prve zaštićene zone polazi od tromede parcela k.č. 2170 (potok Bijela), 2192 i 2195 (potok Bijela K.O. Kamenica) i ide na sjeverozapad sijekuci parcelu 2192 K.O. Kamenica, dolazi do tačke sa koordinatama y = 6 540 301, x = 4 881 956, skreće na sjeveroistok sijekuci istu parcelu 2192 i dolazi u tačku sa koordinatama y = 6 540 579, x = 4 882 818 produžava dalje sijekuci parcele 2192, 1619 (put), 1622, 1618 dolazi do tačke sa koordinatama y = 6 540 523, x = 4 883 426 koja se nalazi na parceli k.č. 1618 K.O. Bijambare, tu se granica lomi i ide na sjeveroistok i izlazi na granicu ukupnog obuhvata u tački sa koordinatama y = 6 540 586, x = 4 883 530 te nastavlja ovom granicom (ukupnog obuhvata) do tačke sa koordinatama y = 6 541 043, x = 4 883 605 koja se nalazi na parceli 1622 na pješačkoj stazi, tu se granica lomi idući na jug spomenutom stazom preko parcele 1622, presijeca put 1602 i dolazi u tačku sa koordinatama y = 6 541 178, x = 4 882 646, zatim nastavlja međama parcela 121 K.O. Bijambare, 122, 1623 (obuhvata ih), dolazi do tačke sa koordinatama y = 6 541 135, x = 4 881 851 koja se nalazi na tromedi parcela 20, 21 i 1623, tu se granica lomi, skreće na jugozapad sijekuci parcelu k.č. 1623 i dolazi do tačke sa koordinatama y = 6 541 062, x = 4 881 827, lomi se i ide na zapad do tačke sa koordinatama y = 6 540 807, x = 4 881 863, zatim se lomi i u blagom luku ide na jugozapad dolazi do tačke sa koordinatama y = 6 540 690, x = 4 881 859 zatim nastavlja u istom smjeru do tačke čije su koordinate y = 6 540 564, x = 4 881 805 pa do tačke y = 6 540 480, x = 4 881 725, tu se lomi i dolazi do tromede k.č. 876, 878, 1623 i 1672 (potok), potom presijeca potoci dolazi do tromede k.č. 2170 (potok) K.O. Kamenica, 2195 (potok Bijela) i 2192 K.O. Kamenica, odakle je opis ovog područja - zone i počeo.

Član 7.

Osnovne vrijednosti Prve zaštićene zone čine:

1. Geološka raznolikost- kao posebne vrijednosti geološke raznolikosti i prirodnog naslijeđa na području Bijambara su brojne pećine
 - Srednja ili glavna Bijambarska pećina,
 - Gornja pećina,
 - Đuričina pećina,
 - Donja pećina,
 - Greben iznad Bijambarske pećine,
 - Ledenjača,
 - Dimšina pećina,
 - Ledenica i
 - Nova pećina.
2. Hidrološka raznolikost
 - ponori Bjelila,
 - ponor potoka Brodić,
 - vrelo Banjevac,
 - vrelo Studenac,
 - vrelo Junakovac.
3. Visok stepen florističke raznolikosti
 - konstatovane 133 različite životne zajednice,
 - konstatovano je preko 800 vrsta vaskularnih biljaka,
 - utvrđen je visok procenat vrsta endemičnog karaktera-dinarskog, balkanskog i jugoistočnog rasprostranjenja,
 - posebnu biološku vrijednost predstavlja flora nižih biljaka, koja se ovdje razvija u specifičnim uvjetima; u naslagama "sfagnuma" natopljenim vodom razvija se osobiti živi svijet; "dna" cretova obično su prekrivena predstavnicima zelenih algi,

- empirijski utvrđenim analizama konstatovano je da se na području Bijambara nalazi niz biljnih vrsta koje pripadaju kategorijama rijetkih, osjetljivih i ugroženih biljnih vrsta,
- Prvu zonu karakteriše prisustvo sljedećih zoogeografskih elemenata među vrstama avifaune: paleoarktički, evropski, holarktički i kosmopolitski.
- utvrđen je visok stepen biocenološkog diverziteta.

Druga zaštićena zona

Član 8.

Druga zaštićena zona (B zona-puferska) obuhvata prostor površine 308,00 ha, dovoljno očuvan kako za konzervaciju sopstvenih ekosistema tako i ekosistema u nukleusu, te pruža mogućnosti za istraživanja, edukaciju i duhovnu rekreaciju.

Granica obuhvata druge zone počinje od tačke br. 1 koja se nalazi na medi između parcela k.č. 221 i 222(put), a ima koordinate y=6 541 411, x=4 883 278, zatim produžava na zapad te jug idući međama parcela k.č. 218, 211, 207, 203, 202, 201 (ne obuhvata ih) i dolazi do tromede parcela k.č. 136, 1602 i 1620, zatim skreće na jugoistok sijekuci u pravoj liniji parcele k.č. 136, 137 i dolazi u tromedu parcela k.č. 136, 137, 138, granica potom nastavlja na jug idući međama parcela k.č. 138, 153, 146, 147, 151, 150, 117 i 6 (obuhvata ih), potom i dolazi do tromede parcela k.č. 6, 7 i 118 (put), potom presijeca parcelu k.č. 118 (put) i dolazi u tromedu parcela k.č. 118, 13 i 11. Granica obuhvata produžava na zapad sijekuci u pravoj liniji parcele k.č. 13, 14, 15, 18 i dolazi u tačku br. 2 koja se nalazi na medi između parcela k.č. 19 i 18, a ima koordinate y=6 541 238, x=4 881 858, zatim produžava na jugozapad idući međama parcela k.č. 19, 21, 22, 26, 27, 1623, 1038/2, 908/2 (obuhvata ih) i dolazi do tačke br. 3 koja se nalazi na medi između parcela k.č. 905/2 i 905/1, a ima koordinate y=6 540 377, x=4 881 326, granica potom skreće na sjeverozapad idući međom parcele k.č. 873 (ne obuhvata je) i dolazi do tromede parcela k.č. 873, 881, 872, potom u pravoj liniji presijeca parcelu k.č. 872 i dolazi u tromedu parcela k.č. 877, 872 i 874. Granica obuhvata nastavlja na sjeverozapad, te jug idući međama parcela k.č. 874 i 875 (ne obuhvata ih) i dolazi do granice ukupnog obuhvata kojom produžava u pravcu zapada, sjevera, te istoka i dolazi do mjesta odakle je opis granice II zone i počeo.

Član 9.

Osnovne vrijednosti Druge zaštićene zone čine:

1. Geološka raznolikost
 - vrtače,
 - škarpe,
 - ponornice.
2. Hidrološka raznolikost
 - potok Bjelila,
 - potok Brodić,
 - izvor Banjevac,
 - izvor Studenac,
 - izvor Junakovac.
3. Floristička raznolikost
 - konstatovane 133 različite životne zajednice,
 - konstatovano 128 rijetkih biljnih vrsta,
 - konstatovano 39 biljnih vrsta koje su označene kao ranjive,
 - utvrđen visok procenat dinarskih, jugoistočno-evropskih flornih elemenata,
 - Drugu zonu odlikuje prisustvo paleoarktičkih, evropskih, holarktičkih te kosmopolitskih zoogeografskih elemenata među vrstama avifaune.

Treća zaštićena zona

Član 10.

Treća zaštićena zona (C tranzicijska-zona) obuhvata prostor površine 52,00ha, u kome preovladava održanje izvornog stanja.

Granica obuhvata Treće zone počinje od tačke br. 1 koja se nalazi na medi između parcela k.č. 221 i 222 (put), a ima koordinate $y=6\,541\,411$, $x=4\,883\,278$, zatim produžava na zapad te jug idući međama parcela k.č. 218, 211, 207, 203, 202, 201 (obuhvata ih) i dolazi do tromede parcela k.č. 136, 1602 i 1620, zatim skreće na jugoistok sijekajući u pravoj liniji parcele k.č. 136, 137 i dolazi u tromedu parcela k.č. 136, 137, 138, granica potom nastavlja na jug idući međama parcela k.č. 138, 153, 146, 147, 151, 150, 117 i 6 (ne obuhvata ih), potom i dolazi do tromede parcela k.č. 6, 7 i 118 (put), potom presijeca parcelu k.č. 118 (put) i dolazi u tromedu parcela k.č. 118, 13 i 11. Granica obuhvata produžava na zapad sijekajući u pravoj liniji parcele k.č. 13, 14, 15, 18 i dolazi u tačku br. 2 koja se nalazi na medi između parcela k.č. 19 i 18, a ima koordinate $y=6\,541\,238$, $x=4\,881\,858$, zatim produžava na jugozapad idući međama parcela k.č. 19, 21, 22, 26, 27, 1623, 1038/2, 908/2 (ne obuhvata ih) i dolazi do tačke br. 3 koja se nalazi na medi između parcela k.č. 905/2 i 905/1, a ima koordinate $y=6\,540\,377$, $x=4\,881\,326$, granica potom skreće na sjeverozapad idući međom parcele k.č. 873 (obuhvata je) i dolazi do tromede parcela k.č. 873, 881, 872, potom u pravoj liniji presijeca parcelu k.č. 872 dolazi u tromedu parcela k.č. 877, 872 i 874. Granica obuhvata nastavlja na sjeverozapad, te jug idući međama parcela k.č. 874 i 875 (obuhvata ih) i dolazi do granice ukupnog obuhvata, kojom produžava na istok te sjeveroistok i dolazi do mjesta odakle je opis granice III zone i počeo.

Opis ovog područja rađen je sa karata novog premjera 1:1000, 1:2500 i 1:5000.

Obuhvat C se nalazi u K.O. Kamenica, K.O. Bijambare i K.O. Nišići.

Član 11.

Osnovne vrijednosti Treće zaštićene zone čine:

1. Geološka raznolikost
 - vrtače
 - skarpe
 - ponornice
2. Floristička raznolikost
 - ekosistemi šumske vegetacije (jelovo-smrčeve šume, borovo-jelove šume, smrčeve šume brdskog i gorskog pojasa, brdske bukove šume)
 - ekosistemi livadske zajednice

Mjere zaštite

Član 12.

U Prvoj zaštićenoj zoni mjere zaštite obuhvataju konzervaciju specifičnih prirodnih obilježja, a odnose se na:

- zabranu narušavanja ambijentalnih vrijednosti,
- zabranu sječe šume,
- zabranu eksploatacije mineralnih sirovina,
- zabranu iskorištavanja fosilnih resursa,
- zabranu lova i ribolova,
- zabranu sakupljanja ljekovitih i jestivih biljaka, šumskih plodova i gljiva,
- zabranu prikupljanja primjeraka divlje flore i faune,
- zabranu namjernog unošenja invazivnih vrsta,
- zabranu pašarenja,
- zabranu izgradnje u zonama postojećih vrela i slivnom području,
- zabranu isušivanja visokih i niskih tresetišta,
- zabranu mijenjanja mreže vodotoka,
- zabranu saobraćaja motomim vozilima, izuzev interventnih vozila i vozila sa posebnim odobrenjem,
- zabranu upotrebe otvorenog plamena,
- zabranu odlaganja čvrstog otpada.

Član 13.

U Drugoj zaštićenoj zoni mjere zaštite obuhvataju očuvanje i zaštitu izvornog stanja, a odnose se na:

- zabranu sječe drveta (osim sanitarne sječe),
- zabranu lova i ribolova,

- zabranu sakupljanja ljekovitih i jestivih biljaka, šumskih plodova i gljiva, osim za vlasnike privatnih posjeda za nekomercijalne svrhe,
- zabranu prikupljanja primjeraka divlje flore i faune,
- zabranu unošenja invazivnih vrsta,
- zabranu saobraćaja motomim vozilima, izuzev interventnih vozila i vozila sa posebnim odobrenjem,
- zabranu izgradnje u zonama postojećih vrela,
- zabranu zahvata kojima bi se mijenjao vodni režim, oblik korita ili bilo na koji drugi način utjecalo na prirodni tok i odnose okruženja,
- zabranu svih ostalih aktivnosti koje mogu remetiti precizirane mjere zaštite po zaštićenim zonama, odnosno planskim dokumentom utvrdenu namjenu površina.

Član 14.

Mjere zaštite u Trećoj zaštićenoj zoni su usmjerene na očuvanje Prve i Druge zaštićene zone i održavanje izvornog stanja, a obuhvataju zabranu privrednih i drugih aktivnosti koje nisu usklađene sa statusom zaštićenog područja.

Član 15.

Šumsko-privredne, lovno-privredne i vodoprivredne osnove, u granicama zaštićenog područja, usklađene se sa mjerama zaštite utvrdene ovim zakonom.

Intervencije u zaštićenom području

Član 16.

U Prvoj zaštićenoj zoni dozvoljene aktivnosti su:

- odstranjivanje bolesnih stabala u cilju konzervacije zdravstvenog stanja sastojina,
- košenje,
- oplemenjivanje-ekološka restauracija postojećih vodotoka (posebno Bjelila),
- duhovna rekreacija,
- unapređenje infrastrukture (staze, klupe) za duhovnu rekreaciju u skladu sa kapacitetom prihvata područja i na način da se ne ugroze utvrdene vrijednosti,
- uspostava elektroinstalacija u formi koja će biti uklopljena u ekološko-prostorni ambijent,
- saobraćaj posebnim vozilima uz odobrenje,
- razvoj centralizovanog upravljanja otpadom (bez suvišnog odlaganja smeća u korpe),
- postavljanje informativnih sadržaja od prikladnih materijala,
- instaliranje vodenica kao izraza tradicionalnih vrijednosti,
- izmjena namjene postojećeg planinarskog doma u objektat za potrebe upravljanja zaštićenim područjem u skladu sa Prostornim planom područja posebnih obilježja.

Član 17.

U Drugoj zaštićenoj zoni dozvoljene aktivnosti su:

- sanitarna sječa,
- košenje,
- rekreacija,
- edukacija i istraživanje,
- izgradnja edukacionih centara,
- saobraćaj uz odobrenje,
- izgradnja turističke infrastrukture koja će biti ambijentalno uklopljena,
- održavanje postojeće saobraćajne infrastrukture.

Član 18.

U Trećoj zaštićenoj zoni dozvoljene aktivnosti su:

- organska poljoprivredna proizvodnja,
- ispaša stoke za vlasnike površina uz nadzor,
- razvoj male privrede i kućnih radinosti,

- izgradnja građevina u skladu sa Prostornim planom posebnih obilježja.

Korištenje i upravljanje

Član 19.

Korištenje prirodnih vrijednosti u granicama Zaštićenog pejzaža dozvoljeno je samo ako nije u suprotnosti sa ciljevima i mjerama zaštite utvrđenim ovim Zakonom i drugim propisima.

U zaštićenom obuhvatu nije dozvoljena promjena namjene zemljišta utvrđena planskim dokumentom.

U zaštićenom obuhvatu nije dozvoljena promjena strukture površina u namjeni poljoprivredno zemljište.

Šumskim ekosistemima koji pripadaju Zaštićenom području upravlja se u skladu sa ovim Zakonom i odgovarajućim planskim dokumentom.

Član 20.

Upravljanje Zaštićenim pejzažom, u skladu sa ovim Zakonom, Zakonom o zaštiti prirode Federacije Bosne i Hercegovine, podzakonskim aktima, Prostornim planom područja posebnih obilježja, Planom upravljanja i drugim propisima, vrši Kantonalna javna ustanova za zaštićena prirodna područja (u daljem tekstu: Ustanova).

Član 21.

Plan upravljanja prostorom donosi Vlada Kantona Sarajevo, u skladu sa federalnim propisom kojim se uređuje sadržaj i način izrade plana upravljanja.

Član 22.

Sredstva za obavljanje poslova zaštite obezbjeđuju se iz slijedećih izvora:

- Budžeta Kantona Sarajevo,
- Kantonalnog fonda za zaštitu okoliša,
- prihoda od prodaje ulaznica, pristupnica specijalnim događajima, naknade za parkiranje, kampiranje i turističkih usluga,
- od naknade za korištenje znaka Zaštićenog pejzaža,
- od karata i drugog promotivnog materijala,
- međunarodnih izvora finansiranja,
- donacija, subvencija i grantova,
- drugih izvora.

Član 23.

Upravni nadzor nad primjenom odredaba ovog Zakona obavlja Ministarstvo prostomog uređenja i zaštite okoliša Kantona Sarajevo.

Član 24.

Inspeksijski nadzor nad provođenjem ovog Zakona vrši Kantonalna uprava za inspeksijske poslove.

Član 25.

Neposredan nadzor, zaštitu i poslove čuvanja i promociju u Zaštićenom pejzažu obavljaju nadzornici-čuvari prirode Ustanove.

Ako nadzornik-čuvar prirode zatekne lice, koje vrši radnju suprotno odredbama ovog Zakona i propisima donesenim na osnovu njega, ima pravo zatražiti ličnu kartu ili drugu ispravu na osnovu koje može utvrditi identitet te osobe, te podnijeti prijavu ovlaštenom licu za pokretanje prekršajnog postupka.

Ovlaštenja nadzornika-čuvara prirode, izgled uniforme, te oblik i sadržaj legitimacije, bliže će se odrediti Pravilnikom, kojeg će donijeti Ministar prostomog uređenja i zaštite okoliša Kantona Sarajevo u roku od 90 (devedeset) dana od dana stupanja na snagu ovog Zakona.

Član 26.

Karte Zaštićenog pejzaža "Bijambare" sa ucrtanim granicama zaštićenih zona čuvaju se u Ministarstvu prostomog uređenja i zaštite okoliša Kantona Sarajevo - Uprava za geodetske i imovinsko pravne poslove.

Kaznene odredbe

Član 27.

Novčanom kaznom u iznosu od 5.000,00 KM do 10.000,00 KM bit će kažnjeno za prekršaj pravno lice:

- ako narušava ambijentalne vrijednosti (član 12. alineja 1.);
- ako vrši sječu šume (član 12. alineja 2.);
- ako vrši eksploataciju mineralnih sirovina (član 12. alineja 3.);
- ako iskorištava fosilne resurse (član 12. alineja 4.);
- ako lovi i ribolovi (član 12. alineja 5.);
- ako sakuplja ljekovite i jestive biljke, šumske plodove i gljive (član 12. alineja 6.);
- ako prikuplja primjerke divlje flore i faune (član 12. alineja 7.);
- ako namjerno unosi invazivne vrste (član 12. alineja 8.);
- ako vrši pašarenje (član 12. alineja 9.);
- ako gradi u zonama postojećih vrela i slivnog područja (član 12. alineja 10.);
- ako isušuje visoka i niska treseišta (član 12. alineja 11.);
- ako mijenja mreže vodotoka (član 12. alineja 12.);
- ako vozi, izuzev saobraćaja interventnih vozila i vozila sa posebnim odobrenjem (član 12. alineja 13.);
- ako upotrijebi otvoreni plamen (član 12. alineja 14.);
- ako odlaže čvrsti otpad (član 12. alineja 15.).

Za prekršaje iz stava 1. ovog člana, bit će kažnjeno i odgovorno lice u pravnom licu novčanom kaznom u iznosu od 1.000,00 KM do 2.000,00 KM.

Za prekršaje iz stava 1. ovog člana, bit će kažnjeno i fizičko lice novčanom kaznom u iznosu od 500,00 KM do 1.000,00 KM.

Član 28.

Novčanom kaznom u iznosu od 3.000,00 KM do 5.000,00 KM bit će kažnjeno za prekršaj pravno lice:

- ako vrši sječu drveta (osim sanitarne sječe), (član 13. alineja 1.);
- ako lovi i ribolovi (član 13. alineja 2.);
- ako sakuplja ljekovite i jestive biljke, šumske plodove i gljive, osim za vlasnike privatnih posjeda za nekomercijalne svrhe (član 13. alineja 3.);
- ako prikuplja primjerke divlje flore i faune (član 13. alineja 4.);
- ako unosi invazivne vrste (član 13. alineja 5.);
- ako vozi, izuzev saobraćaja interventnih vozila i vozila sa posebnim odobrenjem (član 13. alineja 6.);
- ako gradi u zonama postojećih vrela (član 13. alineja 7.);
- ako mijenja vodni režim, oblik korita ili na bilo koji drugi način utiče na prirodni tok i odnose okruženja (član 13. alineja 8.);
- ako obavlja ostale aktivnosti koje mogu remetiti precizirane mjere zaštite po zaštićenim zonama, odnosno planskim dokumentom utvrđenu namjenu površina (član 13. alineja 9.).

Za prekršaje iz stava 1. ovog člana, bit će kažnjeno i odgovorno lice u pravnom licu novčanom kaznom u iznosu od 1.000,00 KM do 1.500,00 KM.

Za prekršaje iz stava 1. ovog člana, bit će kažnjeno i fizičko lice novčanom kaznom u iznosu od 200,00 KM do 500,00 KM.

Član 29.

Novčanom kaznom u iznosu od 5.000,00 KM do 10.000,00 KM bit će kažnjeno pravno lice:

- ako u zaštićenom prostoru prenamjeni ili dozvoli prenamjenu zemljišta koja nije u skladu sa Prostornim planom posebnih obilježja (član 19. stav 2.).

Za prekršaj iz stava 1. ovog člana, bit će kažnjeno i odgovorno lice u pravnom licu novčanom kaznom u iznosu od 1.000,00 KM do 2.000,00 KM.

Član 30.

Novčanom kaznom u iznosu od 5.000,00 KM do 10.000,00 KM bit će kažnjeno pravno lice:

- ako u zaštićenom obuhvatu promijeni namjenu zemljišta utvrđenu planskim dokumentom (član 19. stav 2.),
- ako u zaštićenom obuhvatu promijeni strukturu površina u namjeni poljoprivredno zemljište (član 19. stav 3.),
- ako u šumskim ekosistemima koji pripadaju Zaštićenom području ne upravlja u skladu sa ovim Zakonom i odgovarajućim planskim dokumentom. (član 19. stav 4.).

Za prekršaj iz stava 1. ovog člana, bit će kažnjeno i odgovorno lice u pravnom licu novčanom kaznom u iznosu od 1.000,00 KM do 2.000,00 KM.

Na osnovu člana 172. stav 1. Poslovnika Skupštine Kantona Sarajevo ("Službene novine Kantona Sarajevo", broj 12/05 -Prečišćeni tekst i broj 7/08), Zakonodavno-pravna komisija Skupštine Kantona Sarajevo, na sjednici održanoj 24. marta 2010. godine, utvrdila je Prečišćeni tekst Odluke o izmjenama i dopunama Odluke o mjerama za očuvanje kvaliteta zraka u Kantonu Sarajevo.

Prečišćeni tekst Odluke o mjerama za očuvanje kvaliteta zraka u Kantonu Sarajevo obuhvata: Odluku o mjerama za očuvanje kvaliteta zraka u Kantonu Sarajevo ("Službene novine Kantona Sarajevo", broj 16/06) i Odluku o izmjenama i dopunama Odluke o mjerama za očuvanje kvaliteta zraka u Kantonu Sarajevo ("Službene novine Kantona Sarajevo", broj 37/09), u kojim je naznačen dan stupanja na snagu tih odluka.

Broj 01-05-4411-1/10
24. marta 2010. godine
Sarajevo

Predsjedavajući
Zakonodavno-pravne komisije
Esad Hrvaić, s. r.

ODLUKA

**OMJERAMA ZA OČUVANJE KVALITETA ZRAKA U
KANTONU SARAJEVO
(PREČIŠĆENI TEKST)**

POGLAVLJE I - OPĆE ODREDBE

Član 1.
(Predmet Odluke)

Ovom odlukom uređuje se upravljanje kvalitetom zraka i to: izrada registra emisija; utvrđuju mjere za ostvarivanje propisanih graničnih vrijednosti; utvrđuje donošenje plana interventnih mjera za slučajeve kada postoji rizik prekoračenja praga upozorenja i praga uzbune; određuje stručna institucija za obavljanje monitoringa kvaliteta zraka i izvore finansiranja monitoringa.

Član 2.
(Uspostavljanje sistema upravljanja kvalitetom zraka i informisanje)

- (1) U cilju zaštite zdravlja stanovništva, biljnog i životinjskog svijeta, voda i zemljišta, kulturnih i materijalnih vrijednosti, te postizanje stalnog poboljšanja kvaliteta zraka, ovom odlukom se uspostavlja sistem upravljanja kvalitetom zraka u Kantonu Sarajevo i razrađuju mjere zaštite zraka od zagađivanja.
- (2) Sastavni dio osiguranja kvaliteta zraka je komunikacija sa javnošću - davanje informacija građanima i drugim zainteresiranim stranama o emisijama i kvalitetu zraka, te uticaj zainteresiranih strana na donošenje planova i odluka od kojih zavisi kvalitet zraka.

**POGLAVLJE II - OSNOVNI PRINCIPI ZAŠTITE
KVALITETA ZRAKA**

Član 3.
(Principi zaštite i kvaliteta zraka)

- (1) Zaštita i poboljšanje kvaliteta zraka zasniva se na principima:
 - a) ograničavanja emisije iz izvora zagađivanja,
 - b) planiranja kvaliteta zraka u saglasnosti sa namjenom prostora,
 - c) regulisanja kvaliteta procesa u postrojenjima od kojih zavisi emisija u zrak i
 - d) regulisanja kvaliteta korištenih goriva (sirovina i supstanci).

**POGLAVLJE III - MJERE ZA OČUVANJE KVALITETA
ZRAKA**

Član 4.
(Mjere očuvanja kvaliteta zraka)

- (1) Mjere za očuvanje kvaliteta zraka su:
 - a) planske mjere,
 - b) upravno-administrativne mjere i
 - c) tehničko-tehnološke mjere.
- (2) Planske mjere podrazumijevaju osiguranje kvaliteta zrak:
 - a) kroz prostorno i urbanističko planiranje,
 - b) kroz planove razvoja industrije, energetike, prometa i dr.,
 - c) kroz kvalitet gradnje,
 - d) kroz donošenje programa i planova propisanih zakonom i podzakonskim aktima.
- (3) Upravno-administrativne mjere se provode:
 - a) izdavanjem okolinske dozvole,
 - b) izdavanjem urbanističke saglasnosti, odobrenja za građenje i odobrenja za upotrebu,
 - c) obaveznom provjerom emisija i prijavljivanjem u registar emisija.
- (4) Tehničko-tehnološke mjere se provode:
 - a) kroz projektovanje objekata,
 - b) kroz primjenu najboljih raspoloživih tehnika, tehničkih rješenja i mjera,
 - c) kroz korištenje opreme i postrojenja, koji su okolinski prihvatljivi,
 - d) kroz pravilno odvijanje tehnoloških procesa i održavanje opreme,
 - e) kroz periodične provjere emisija.

POGLAVLJE IV - PLANIRANJE KVALITETA ZRAKA

Član 5.
(Kategorizacija kvaliteta zraka)

Kvalitet zraka je parametar urbanističko-prostornog planiranja. Određuje se prostornim i urbanističkim planovima i kategorizacijom područja prema kvalitetu zraka.

Član 6.
(Kategorije kvaliteta zraka)

Prema nivou zagađenosti zraka na području Kantona, koji se utvrđuje mjerenjem, proračunom i korištenjem standardnih matematičkih modela, razlikuju se tri kategorije kvaliteta zraka:

- a) I Kategorija: čist ili neznatno zagađen zrak - područja u kojima nisu prekoračene granične vrijednosti (GV) niti za jednu zagađujuću supstancu;
- b) II Kategorija: umjereno zagađen zrak - područja u kojima su prekoračene granične vrijednosti zagađenosti (GV) za jednu ili više zagađujućih supstanci, a nisu prekoračene tolerantne vrijednosti (TV) ni za jednu zagađujuću supstancu i
- c) III Kategorija: prekomjerno zagađen zrak - područja u kojima su prekoračene tolerantne vrijednosti za jednu ili više zagađujućih supstanci.